

حکومتند زبردستانی حقه شده شدت کوسترمش ایستاده مجبول
اولد بخنی نصف و عدل لته مبنی خلقک میل و محبتی استجلاب
المشیدی و امن و اسایش عامه مطلوب و ملتزمی ایدی و مشرف
خراب اولان ابنیه بی بر چاره سنی بوله رق تعمیر و بر طرفدن دخی
ابنیه جدیده انشاسیله شهری تزیینه زیاده اعتنا ایدرایدی و سلطان
بایزید و باب سرعسکری موقعلرند غایت جسیم و نفیس بر چارشو
بنا ایدوب آت میدانشده حالا پایدار اولان دیکیلی طاشی دخی
اویچ بوز طقسان تاریخنده رکز و اقامه ایندیردی . نخته جلوسنده
روم حکومتی مشرف انقراض ایکن فتوحات جسیمه و تداییر صائبه
ایله تخلص ایلدی . اشته بو جهتلرله کند و سینه بیوک ثودوس
عنوانی و برلشد ز . وفاتنده جنازه سی استانبوله نقل و حواریون
کلبه سانه دفن اولندی .

(فاردیس)

(بقیه سی صکره)



(تاریخ قدما ی ملوک مصریه) (مابعد)

انطوان جزوی همتله کاملا دنیایی قبضه تسخیره المی ممکن ایکن
اولوجه له عیش و عشرت و حرص و طمعی و بالنصوص مصر
ملکه سی فلیوپاترک افناده دام محبتی اولوب کند و زوجیه سی حقنده
وقوعبولان حرکات غیر مصریه سی روما اهاالسنک نفرتنی جلب
ایلدی . اوقتاد دخی هر نقیر طمع جهتیه انطوانه مساوی ایدیه ده

جمهور حقنده بر رعایت صورت به ابراز ایدوب رئیس جمهور و وکیل
ملت کی عنوان ایله اکتفا و حقیقتنده اجرای سلطنت ایدرك ملت
عندده پومی و قیصره معادل کورینور ایدی . انطوانك اهل شرق
لباسنی تلبس ایدوب باشنه دخی تاج کیمسی حقنده بر قاتدها طعن
و تشیعی موجب اولمشیدی . وجه مشروح او زره او قتاد انطوانه
اعلان حرب ایلد کده رومالور او قتاد طرفنه میل ایدوب اوروپا
واسیا و افریقا قطعه لرده بولنان ملل واقوامدن هربری دخی طرفیندن
بر سیله اتفاق ایتمکله اشبو ایکی ذات بیننده وقوع بولان خصومت
دنیاك هر طرفنه سرایت ایده چکی درکار ایدی . اول وقتده قدر انطوان
بلاد کثیره قح و تسخیر ایدوب کندوسی غایت مدبر و جسور اولسی
جهتیه رقبیندن زیاده کسب شهرت و شان ایلمش ایدوده قلیو پاتره
اولان علاقہ سی اخلاقی تبدیل ایدوب تیپورلیکی مزاجنه
ایرات رخاوت ایتمشیدی . انجی قوه مالیه و عسکریه سی خصمندن زیاده
اولدینندن وقتیه حرکت ایتمش اولسه غلبه سی مجزوم ایکن
عیش و عشرتله مشغول اولوب او قتادك تقرب ایلدیکی خبر اندقده
مدافعه به مباشرت ایدوب قلیو پاترك رجاسنه مبنی دو ننا قوماندانلغنی
مشار الیه ایله حاله ایلدی .

انطوانك قوه بریه سی اون سکرطابور رومالوو یوز بیک اجنبی پیاده
ایله او توز درت بیک سواری ایدی . قوه بحریه سی دخی بش-بوز
قطعه سفینه دن عبارت اولوب ملوک شرق دخی معینده محاربه ایتمک
اوزره مهیا اولمشلر ایدی . او قتادك بوقدر قوتی اولوب فقط اردوسنك
حسن انتظامی انطوانك اردوسنه مرجع ایدی . انطوان برا
محاربه ایتمش اولسه غالب کله چکنده شبهه یوغیندی . فقط قلیو پاتر

غایت شرفك دوتمايه عايد اولسي ارزوسيله بحر احمر به اولمسينه
 رغبت كوسترديكندن يونانستانده كائن اكسيوم نام شهره قریب
 امبراسی كورفرنده حربه مباشرت اولندی . برقاچ ساعت ممتد
 اوله رق غالب و مغلوب هنوز معلوم اولمق سزین محارب و مجروحلرك
 فریاد و فغانلرندن و دریاك رنگنی تبدیل ایده جك صورتده جریان
 ایدن قانلردن قلیو پاتره دهشت كلهرك بردن بره فرار ایتسـیـله
 کندوسی دخی ناموس و اعتبارینی پایمال ایدوب دوتما و عسـكـریـنی
 ترك ايله قلیو پاترك ارقه سنه دوشدیکندن دوتماسـیـله عسـكـری
 براروقت طیانده قدنصكره تسلیم اولدیلر . قلیو پاترا سکندریه به
 عودتنده هزیمت واقعه سنی اهاالیدن کتم ایتك اوزره سفینه لرینی
 دوناته رق غالب اولمش هیئتنده لیمانه کبردا کده کبرای ملت حقیقت
 حاله مطلع اوله رق برفساد چیقارملرندن خوف ایتسـیـله بونلرك
 برچوغنی خفیا اخذ و قتل ایتدیردی و بقیه سفائی اوقتادك یدینه
 دوشمـامـك اوزره نیل نهرینه ادخال ايله اورادن اول زمانده موجود
 اولان جدول طریقـیـله بحر احمره سوق ایلش ایسه ده قبایل عربان
 سفائن مذکوریه یی اوراده غرق و تلف ایلدیلر .

انطوائك حبش ایالتنده براردوسی دهـا موجود اولمسـیـله اورایه
 کتمش ایسه ده اثنای غیابنده اردوی مذکور اوقتاده اطاعت ایلش
 اولمغله مایوسا اسکندریه به عودت ایدوب قلیو پاترك بزم محبـیـله
 کسب تسلیت ایلک املنده بولنش ایسه ده مشارالیهـا زیاده
 حیلـه کار بواند یغنی جهته کـندوسـنه اخانت طریقـیـنی تحری ایلدی .
 شویله که ایکسی دخی اوقتاد طرفه سفیرلارسالیه صلح تکلیف
 ایدوب انطوائك ایچبسی مصر حکومتی قلیو پاترك یدنده ابقا

اولنق شرطيله كندوسى تاج و تختنى ترك واحادناس كى اتنه شهرنده
 اقامت ايتك ماده لربنى افاده به مأمور اولد قلى حالد قلىو پارك
 سفراسى بالكز صلح طلبنه مأمور ايسه ل مصر حكومتى كندوسنه
 ابقا اولند بى صورتده كندوسى انطوانى ترك ايله او قتصاد طرفنه
 دونه چكى تامين ايلسنه دخی خفيا مأمور اولمريله او قتاد انطوانك
 المچيسنه جواب بيله و بر مبوب قلىو پارك سفراسى دخی بعض
 مواعيد و اهيه ايله اغفال ايدرك مصر اوزرينه عزيمت ايلدى .
 پيلوس شهرينه و صوانده قلىو پارك خفيا و قوعبولان امرينه مبنى
 شهر مذکور محافظه سنه مأمور عسكر اصلا مقاومت ايتمه ترك
 مشار اليه تلى بالقبول ايلدى . مشار اليها بو وجهه انطوانه
 اخانت ايتك استمش ايسه ده او قتاد دن كلياً امين اولد يغندن اموال
 موجوده سنى بر معد جوارنده واقع بر مرز ارده اخفا ايتاش ايدى . او قتاد
 بو وجهه له بلا محاربه اردوسيله برابر اسكندريه قدير كلكده
 انطوان برقه جزويه ايله اسكندريه خروج و او قتاده غلبه ايدرك
 اسكندريه عودت و اول كچه قلىو پاز ايله عيش و عشرت
 ايدوب ايرنسى كوني تكرر بحرا محاربه ايتك استمش ايسه ده
 مصر ك سفارين موجوده سى او قتاده تسليم اولد يغندن مشار اليه
 باشه چيغه ميه جغنى اذعان ايلد كندن طرفيندن كلى نفوس تلف
 ايدلامك ايچون بالكز ايكي سى مقاتله ايتك اوزره او قتادى دعوت
 ايلد كده او قتصاد اكر انطوان جانندن او صانمش ايسه ممانه
 بشقه طريق بولسون جوانى و برمش و قلىو پارك تعليميله بعض ادملى
 انطوانه كيدوب قلىو پاز كند و كند و سنى تلف ايلد يكنى خبر
 و برمش اولغه قلىو پاز دن مكره بكادنيا حرام اولسون ديه ترك

کوله لارندن برینه کل بنی قتل ایت دیواصر ایلدی . مذکور کوله اصلا
 جواب ورمیه رک همان خنجر بنی چکوب کند و کند و سنی قتل
 ایتسیله انطوان دخی بنده بووجهله حرکت ایتلیم دیوب قلیبی
 چیقاروب اوزرینه یاه رق مجروح اولمش ایسه ده قلیو پاترک وفاتی
 صحیح اولدیغنی استخبار ایتسیله یار مارینه معالجه ایتدیره رک در حال
 مشارالیهک بولندیغنی قلعه یه عزیمت ایلدی . فقط اوقتاده سکرندن
 خوفا قلعه قیوسی اچلیوب بر پنجره دن ایسلرله یوقاروالتد قده
 یاره سندن متاثر اهلاک درجه سنه کلمشیدی . مع مافیه جبر نفس
 ایدرک قلیو پاتره خطا با اوقتادک مکر و حیه سندن حذر ایدیکز
 و بکا اجنبیلر غلبه ایتیب روما جهورینک مغلوبی اولدیغمدن
 بو مغلوبیت بکا موجب خجالت اوله من و سیزک قوجا عکزه
 وفات ایتک بنجه الک یوک سعادت در دیه رک تسلیم روح ایلدی .
 اول اثناده اوقتادک ضابطان عسکر بسندن بریسی قلیو پاترک
 عسکر یله برابر تسلیم اولانربنی تکلیف ایتک اوزره قلعه قیوسنه
 کلمش ایسه ده مشارالیه حضورینه قبول ایلدی . ضابط
 مذکور برقاج نفرایله بر تقریب پنجره دن دخول ایلد کده قلیو پاترک
 بر خنجر ایله اتلاف نفس ایتک نیتنده بولندیغنی حالده ضابط
 مذکور خنجری یندن اخذ ایدوب اوقتادک کند و سنه حسن
 معامله ایده جکنی تعهد ایتسیله مشارالیه صورتا و افقت کوستردی .
 فقط انطوانی تکفین و تدفین ایتک اوزره رخصت طلب و استیصال
 ایتسیله رسم مذکور زیاده تکلف و احترام ایله اجرا و جنازه بی
 مصر ملوک کنه مخصوص مناره دفن ایلدی
 بوندن برقاج کون صکره اوقتاد قلیو پاترک نزدینه کلد کده مشارالیه

چشم کر بان و موی پریشان ایله ایغنه قیاندی . بو حال ایله نه حسن
و جمالی برکال ایدیهده اوقناد پدری قیصر ایله انطوانک
حالارینی نخطر ایدرک کرفار دام محبتی اولقندن احتراز ایلدی .
بولندقلری محک هر طرفده قیصرک تصویرلری اولدیغندن مشار
ایله بونلری اوقناده اراه ایله سزک دولسکز و بنم حکمدار لغم
بو ذاتک اثر همتدردیه رک صاحبقران مشار ایله ک حین حیاتنده
دائما کندوسنه محبت و صحابت ایدیه جگنی مشعر طرفنه
کوندردیکی نامه لری دخی قرائت ایدرک عرض اخلاص
و محبت ایلش ایدیهده اوقناد مشار ایله ک بوسوزلرینه الدانم یوب
واصلابرشی وعد ایتیب یالکز بعض مرتبه تسلیت و برد کدن صکره
بر اغوب کندی . بونک اوزرینه قلب و یاز کندوسی خلع ایله رومایه
کوتور یلوب مظهر حقارت اوله جغنده شبهه سی قالمامش ایدیهده
بوافکارینی کتم ایدوب صورت ظاهرده حالتندن خشنودلق کوستردی .
حتی اوقنادک زوجیه سی الیوی ایله همشیره سی اوقناده به ذیقیت
هدایا تقدیم ایله رومایه کیتد کده انلرک جایه لرینه التجا
ایدیه جگنی شوکا بوکا سویلادی . بعده رخصت تحصیل ایله
انطوانک مزارینی زیارت کیدوب بونی کونا کون چیچکلر ایله
تزین ایلد کدن صکره سراینه عودتنده جامه کوروب غایت مکلف
اوله رق ترتیب ایتدیرمش اولدیغنی بر سفره به قعود ایله استیغای حظ
ایدنجه قدر اکل و شرب ایلدی و اوقناده بر مکتوب یازوب
بعده یتاغنه کیردی . تعلیماتیه ادملرندن بری رنجبر قیافته کوروب
خفیا برانجیر سپدی دروننده زهری غایت قوتلو بریلان کتوردی .
انجیردن اکل اینک بهانه سیله قولانی مذکور سبدک دروننده وضع

ایله مذکور بیلا نه صوقدیره رق در حال تسلیم روح ایلدی . خد متجیبری
کند و سنی او بخوده ظن ایدوب ارادن خیلی وقت کچدیکی حالد
قالقمدیغنی کورد کلرند . بانه کیره رک ییلان صوقفسندن متأثرا وفات
ایتمش اولدیغنی مشا هده ایلدیله .

مشا رالیهاک اوقتاده تحریر ایتدیکی مکتوبده الایده یوریمک حقارتنی
واسیر اولق مذاتنی تحمله عدم اقتداری جهنیله اتلاف نفس
ایده جکندن جسدینک انظوانک مز ارند . انک جسدی بانه
دفن اولمسنی استرحام ایلد یکندن مشا رالیه مکتوب مذ کوری
قرائت ایلد کده در حال قرالیمچی بی بوسه قعسدینک اجرا سندن
منع ایلک اوزره طرفنه ادملر کوند رمش ایلده ده یونلر ورودنده
کند و سنی وفات ایتمش بولمشلردر . حین وفاتنده سنی اوتوز طفوز
اولوب مدت حکومتی یکرمی ایکی سندن در . قلیوپار ملوک مصرک
نهایی اولوب میلاددن اوتوز سنه اول وفات ایتد کده . اوقتاده مصر
الکاسنی روما مالکنه الحاق ایلد حضرت عمر رضی اه عنک زمان
نصرت افترانلرینه قدر بروالی معرفتیله اداره اولنهرق خلیفه
مشا رالیه حضرتلری طرفلرندن قتح اولندقدن سکز یوز سنه صکره
سلطان سلیم ثانی حضرتلری زمانده ضمیمه ممالک عثمانیه قلمدی
اولوقتند نبر و دولت علیهک تحت اداره سندن . اولدیغنی مثلاً و
الی اخر الدوران سایه سلطنت سنیده مستظل امن و امان اولسی
الطاف الهیهدن مستعدادر . مصرده حکومت بطالیه ایکیوز طقسان
اوج سنه ممتد اولمشلدر . (محمد جیل و خلیل)